

भोलेनाथ मन्ने अपने पास बुला ले । By Ajay Chanda

पूरब पश्चिम उत्तर दक्षिण सारे भोले नाम तेरा
मेरा भी जी कर रया भोले मैं भी देखू धाम तेरा
तेरे बिना मेरा जी ना लागे सुन ले डमरू वाले
मैं ठीक कहूं सु भोलेनाथ मन्ने अपने पास बुला ले

धन दौलत और कोठी बंगले कोन्या चाहिए कार मन्ने
तेरी सेवा का मौका बस मिल जावे एक बार मन्ने
मेरी भी किस्मत के भूले खुल जावेंगे ताले
मैं ठीक कहूं सु भोलेनाथ मन्ने अपने पास बुला ले

चौबीस घंटे भोलेनाथ तेरी फुल सेवा ठाऊंगा
ताजा ताजा घोट घोट के रोज़ भांग प्याऊंगा
डमरू की धुन पे नाचूंगा जितना चाहे नाचा ले
मैं ठीक कहूं सु भोलेनाथ मन्ने अपने पास बुला ले

गुरु तंवर का चेला सु मैं मानस टोर ठिकाने का
भीम सेन सै नाम मेरा मैं रेहन आला हरियाणे का
झूठ कदी ना बोलूं भोले बेशक जांच करा ले
मैं ठीक कहूं सु भोलेनाथ मन्ने अपने पास बुला ले

<https://bhaktivandana.com/lyrics/%e0%a4%ad%e0%a5%8b%e0%a4%b2%e0%a5%87%e0%a4%a8%e0%a4%be%e0%a4%a5-%e0%a4%ae%e0%a4%a8%e0%a5%8d%e0%a4%a8%e0%a5%87-%e0%a4%85%e0%a4%aa%e0%a4%a8%e0%a5%87-%e0%a4%aa%e0%a4%be%e0%a4%b8-%e0%a4%ac%e0%a5%81/>